

Fiha di patouè a Sèn Nicolà

Hi fouryì, aprì veunt an,
la fiha di patouè l'è tournèye a Sèn Nicolà
É nò pe ho n'èn bien traillà.
Avouì le dessèn, n'èn comèncjà,
Eun cou de joué i Muzé n'èn baillà
É de documèn n'èn tchertchè.
Pe le boi é pe le paillèe n'èn veryà
De fotografie n'èn fa-nèn è n'èn èitc
Deussù lo palque, petchoù é groù l'è
Le dzeleunne, lo melè, le campagnà
Pe n'èn fenì la focheuza l'a martchè
Aurore, Claudine é Jean-Pierre l'an feur
É le mettesse, oute pe dèrì, l'an feur
La tsanhón avouì Daniela n'èn fa
É Gousto atò l'organeun no-z-à accompagnà.
An boun-a maènda n'èn medjà,
Tranquillo, acható devan lo plà.
É tcheu le volontéo l'an moque voyadjà !
Lo nat eun dzèn sonno n'èn fa
É lo dzòo aprì n'èn recomèncjà.
Qui l'a po vu lo sènteucco, avouì sa motoretta,
Voyadjé a totta canna de o-t-an ba ?
I pró, i bouque, i tsan, eun catro se són fa
É fran gneun eundirì s'è teryà.
Dou "queryoi" prii no-z-an euntèrèchè
É eun peuntre le pènel eun man no-z-a baillà.
Totte le-z-espozichón n'èn èitchà
É coutsouza no-z-a bièn atterià.
Di BREL no-z-e sèn pocca euntèrèchè,
Mi no sèn que l'a tan traillà.
Nouha petchouda quemina, 2 500 dzi l'a accueillà.
É no sèmble que an bon-a eumprèchón l'a lèchè.

Lo lèivro su Sèn Nicolà no foillatèn
É heutta fiha no rappelèn.
Lo pèndaillón porte nouho paì
Canque i fón de l'Italie.

*Méi de mè dou meulle é tri
L'ecoulla de Sèn Nicolà*



(Photo Fotogold)